

Horazoden 1

Gedicht 1

- [1] **Maecēnās** atavīs ēdite rēgibus,
[2] ō et **praesidium** et **dulce** decus **meum**,
[3] **sunt** quōs **curriculō** pulverem **Olympicum**
[4] **collēgis**se **juvat** **mētaque** **fervidīs**
[5] **ēvītāta** **rotis** **palmaque** **nōbilis**
[6] **terrārum** **dominōs** **ēvehit** **ad** **deōs**;
[7] **hunc**, **sī** **mōbilium** **turba** **Quirītium**
[8] **certat** **tergeminis** **tollere** **honōribus**;
[9] **illum**, **sī** **propriō** **condidit** **horreō**
[10] **quicquid** **dē** **Libycīs** **verritur** **āreīs**.
[11] **Gaudentem** **patriōs** **findere** **sarculō**
[12] **āgrōs** **Attalicis** **condiciōnibus**
[13] **numquam** **dēmoveās**, **ut** **trabe** **Cypriā**
[14] **Myrtōum** **pavidus** **nauta** **secet** **mare**.
[15] **Luctantem** **Īcariis** **flūctibus** **Āfricum**
[16] **mercātor** **metuēns** **ōtium** **et** **oppidī**
[17] **laudat** **rūra** **suī**; **mox** **reficit** **ratēs**
[18] **quassās**, **indocilis** **pauperiem** **patī**.
[19] **Est** **quī** **nec** **veteris** **pōcula** **Massicī**
[20] **nec** **partem** **solidō** **dēmere** **dē** **diē**
[21] **spernit**, **nunc** **viridī** **membra** **sub** **arbutō**
[22] **strātus**, **nunc** **ad** **aquae** **lēne** **caput** **sacrae**.
[23] **Multōs** **castra** **juvant** **et** **lituō** **tubae**
[24] **permixtus** **sonitus** **bellaque** **mātribus**
[25] **dētestāta**. **Manet** **sub** **Jove** **frīgidō**
[26] **vēnātor** **tenerae** **conjugis** **inmemor**,
[27] **seu** **vīsa** **est** **catulīs** **cerva** **fidēlibus**,
[28] **seu** **rūpit** **teretīs** **Marsus** **aper** **plagās**.
[29] **Mē** **doctārum** **hederae** **praemia** **frontium**
[30] **dīs** **miscent** **superīs**, **mē** **gelidum** **nemus**
[31] **Nymphārumque** **levēs** **cum** **Satyrīs** **chorī**
[32] **sēcernunt** **populō**, **sī** **neque** **tībiās**
[33] **Euterpē** **cohibet** **nec** **Polyhymnia**
[34] **Lesbōum** **refugit** **tendere** **barbiton**.
[35] **Quod** **sī** **mē** **lyricīs** **vātibus** **īnserēs**,
[36] **sūblīmī** **feriam** **sīdera** **vertice**.

Gedicht 2

- [1] **Jam** **satis** **terrīs** **nivis** **atque** **dīrae**
[2] **grandinis** **mīsit** **Pater** **et** **rubente**
[3] **dexterā** **sacrās** **jaculātus** **arcēs**
[4] **terrui** **Urbem**,
[5] **terrui** **gentīs**, **grave** **nē** **redīret**
[6] **saeculum** **Pyrrhae** **nova** **mōnstra** **questae**,
[7] **omne** **cum** **Prōteus** **pecus** **ēgit** **altōs**
[8] **vīsere** **montīs**,

[9] piscium et summā genus haesit ulmō,
[10] nōta quae sēdēs fuerat columbīs,
[11] et superjectō pavidae natārunt
[12] aequore dammae.
[13] Vīdimus flāvum Tiberim retortīs
[14] litore Ētrūscō violenter undīs
[15] ire dējectum monumenta rēgis
[16] templaque Vestae,
[17] Īliae dum sē nimium querentī
[18] jactat ultōrem, vagus et sinistrā
[19] lābitur rīpā Jove nōn probante ux
weiber
wif
[20] ōrius amnis.
[21] Audiet civīs acuisse ferrum,
[22] quō gravēs Persae melius perīrent,
[23] audiet pugnās vitiō parentum
[24] rāra juvenus.
[25] Quem vocet dīvum populus ruentis
[26] imperī rēbus? Prece quā fatigent
[27] virginēs sāctae minus audientem
[28] carmina Vestam?
[29] cui dabit partīs scelus expiandī
[30] Juppiter? Tandem veniās precāmur,
[31] nūbe candentīs umerōs amictus,
[32] augur Apollō,
[33] sive tū māvīs, Erycīna rīdēns,
[34] quam Jocus circumvolat et Cupīdō,
[35] sive nēglēctum genus et nepōtēs
[36] respicis, auctor,
[37] heu nimis longō satiāte lūdō,
[38] quem juvat clāmor galeaeque lēvēs,
[39] ācer et Maurī peditis cruentum
[40] voltus in hostem,
[41] sive mūtātā juvenem figurā
[42] āles in terrīs imitāris, almae
[43] filius Mājae, patiēns vocārī
[44] Caesaris ultor.
[45] Sērus in caelum redeās diūque
[46] laetus intersīs populō Quirīnī,
[47] nēve tē nostrīs vitiīs inīquum
[48] ōcior aura
[49] tollat; hīc magnōs potius triumphōs,
[50] hīc ames dīcī pater atque prīnceps,
[51] neu sinās Mēdōs equitāre inultōs
[52] tē duce, Caesar.

Gedicht 3

[1] Sīc tē dīva potēns Cypri,
[2] sīc frātrēs Helenae, lūcida sīdera,
[3] ventōrumque regat pater
[4] obstrictis aliīs praeter lāpyga,

[5] **nāvis**, quae tibi **crēditum**
[6] **dēbēs Vergilium**; **finibus Atticis**
[7] **reddās incolumem precor**
[8] **et servēs animae dīmidium meae.**
[9] Illī **rōbur** et **aes triplex**
[10] **circā pectus erat**, quī **fragilem trucī**
[11] **commisit pelagō ratem**
[12] **prīmus**, nec **timuit praecipitem Āfricum**
[13] **dēcertantem Aquilōnibus**
[14] **nec tristīs Hyadas nec rabiem Notī,**
[15] **quō nōn arbiter Hādriae**
[16] **major**, tollere seu **pōnere volt freta.**
[17] **Quem mortis timuit gradum**
[18] **quī siccīs oculīs mōnstra natantia,**
[19] **quī vīdit mare turbidum et**
[20] **īnfāmīs scopulōs Āroceraunia?**
[21] **Nēquicquam deus abscidit**
[22] **prūdēns Ōceanō dissociābilī**
[23] **terrās**, sī tamen **impiae**
[24] **nōn tangenda ratēs trānsiliunt vada.**
[25] **Audāx omnia perpeti**
[26] **gēns hūmāna ruit per vetitum nefās;**
[27] **audāx Īapetī genus**
[28] **ignem fraude malā gentibus intulit;**
[29] **post ignem aetheriā domō**
[30] **subductum maciēs et nova fēbrium**
[31] **terrīs incubuit cohors**
[32] **sēmōtique prius tarda necessitās**
[33] **lētī corripuit gradum.**
[34] **Expertus vacuum Daedalus āera**
[35] **pennīs nōn hominī datīs;**
[36] **perrūpīt Acheronta Herculeus labor.**
[37] **Nīl mortālibus arduī est;**
[38] **caelum ipsum petimus stultitiā neque**
[39] **per nostrum patimur scelus**
[40] **īrācunda Jovem pōnere fulmina.**

Gedicht 4

[1] **Solvitur ācris hiems grātā vice vēris et Favōnī**
[2] **trahuntque siccās māchinae carīnās,**
[3] **ac neque jam stabulīs gaudet pecus aut arātor ignī**
[4] **nec prāta cānīs albicant pruīnīs.**
[5] **Jam Cytherēa chorōs dūcit Venus imminente lūnā**
[6] **jūnctaeque Nymphīs Grātiae decentēs**
[7] **alternō terram quatiunt pede, dum gravis Cyclōpum**
[8] **Volcānus ārdēns vīsīt officīnās.**
[9] **Nunc decet aut viridī nitidum caput impedire myrtō**
[10] **aut flōre, terrae quem ferunt solūtae;**
[11] **nunc et in umbrōsīs Faunō decet immolāre lūcīs,**
[12] **seu poscat agna sive mālīt haedō.**
[13] **Pallida Mors aequō pulsat pede pauperum tabernās**

- [14] **rēgumque turrīs. Ō beāte Sēsti,**
[15] **vītae summa brevis spem nōs vetat inchoāre longam.**
[16] **Jam tē premet nox fābulaeque Mānēs**
[17] **et domus exīlis Plūtōnia, quō simul meārīs,**
[18] **nec rēgna vīnī sortiēre tālis**
[19] **nec tenerum Lycidan mīrābere, quō calet juvenus**
[20] **nunc omnis et mox virginēs tepēbunt.**

Gedicht 5

- [1] **Quis multā gracilis tē puer in rosā**
[2] **perfūsus liquidīs urget odōribus**
[3] **grātō, Pyrrha, sub antrō?**
[4] **cui flāvam religās comam,**
[5] **simplex munditiīs? Heu quotiēns fidem**
[6] **mūtātōsque deōs flēbit et aspera**
[7] **nīgrīs aequora ventīs**
[8] **ēmīrābitur insolēns,**
[9] **quī nunc tē fruitur crēdulus aureā,**
[10] **quī semper vacuam, semper amābilem**
[11] **spērat, nēscius aurae**
[12] **fallācis. Miserī, quibus**
[13] **intemptāta nitēs. Mē tabulā sacer**
[14] **vōtīvā pariēs indicat ūvida**
[15] **suspendisse potenti**
[16] **vestīmenta maris deō.**

Gedicht 6

- [1] **Scribēris Variō fortis et hostium**
[2] **victor, Maeoniī carminis ālite,**
[3] **quam rem cumque ferōx nāvibus aut equīs**
[4] **mīles tē duce gesserit.**
[5] **Nōs, Āgrippa, neque haec dīcere nec gravem**
[6] **Pēlīdae stomachum cēdere nēsciī,**
[7] **nec cursūs duplicis per mare Ulixēi**
[8] **nec saevam Pelopis domum**
[9] **cōnāmur, tenuēs grandia, dum pudor**
[10] **inbellisque lyrae Mūsa potēns vetat**
[11] **laudēs ēgregiī Caesaris et tuās**
[12] **culpā dēterere ingeni.**
[13] **Quis Mārtem tunicā tēctum adamantinā**
[14] **dignē scripserit aut pulvere Trōicō**
[15] **nīgrum Mērionēn aut ope Palladis**
[16] **Týdidēn superīs parem?**
[17] **Nōs convīvia, nōs proelia virginum**
[18] **sectīs in juvenēs unguibus ācrium**
[19] **cantāmus, vacuī sive quid ūrimur**
[20] **nōn praeter solitum levēs.**

Gedicht 7

- [1] Laudābunt aliī clāram Rhodon aut Mytilēnēn
[2] aut Ephesum bimarīsve Corinthī
[3] moenia vel Bacchō Thēbās vel Apolline Delphōs
[4] insignīs aut Thessala Tempe;
[5] sunt quibus ūnum opus est intāctae Palladis urbem
[6] carmine perpetuō celebrāre et
[7] undique dēcerptam frontī praepōnere olivam;
[8] plūrimus in Jūnōnis honōrem
[9] aptum dīcet equīs Argos dītēsque Mycēnās:
[10] mē nec tam patiēns Lacedaemōn
[11] nec tam Lārīsae percussit campus opīmae
[12] quam domus Albunae resonantis
[13] et praeceps Anīō ac Tīburnī lūcus et ūda
[14] mōbilibus pōmāria rīvīs.
[15] Albus ut obscurō dēterget nūbila caelō
[16] saepe Notus neque parturit imbrīs
[17] perpetuō, sīc tū sapiēns finire mementō
[18] trīstitiam vītaeque labōrēs
[19] mollī, Plance, merō, seu tē fulgentia signīs
[20] castra tenent seu dēnsa tenēbit
[21] Tīburis umbra tuī. Teucer Salamīna patremque
[22] cum fugeret, tamen ūda Lyaeō
[23] tempora pōpuleā fertur vīnxisse corōnā,
[24] sīc trīstīs affātus amīcōs:
[25] 'Quō nōs cumque feret melior fortūna parente,
[26] ībimus, ō sociī comitēsque.
[27] Nīl dēspērandum Teucrō duce et auspice Teucrō:
[28] certus enim prōmisit Apollō
[29] ambiguum tellūre novā Salamīna futūram.
[30] Ō fortēs pejōraque passī
[31] mēcum saepe virī, nunc vīnō pellite cūrās;
[32] crās ingēns iterābimus aequor.'

Gedicht 8

- [1] Lȳdia, dīc, per omnīs
[2] tē deōs ōrō, Sybarin cūr properēs amandō
[3] perdere, cūr aprīcum
[4] ōderit Campum, patiēns pulveris atque sōlis,
[5] cūr neque militārīs
[6] inter aequālīs equitet, Gallica nec lupātīs
[7] temperet ōra frēnīs.
[8] Cūr timet flāvum Tiberim tangere? Cūr olīvum
[9] sanguine vīperīnō
[10] cautius vītāt neque jam līvida gestat armīs
[11] braccia, saepe discō
[12] saepe trāns finem jaculō nōbilis expeditō?
[13] quid latet, ut marīnae
[14] filium dīcunt Thetidis sub lacrimōsa Trōjae
[15] fūnera, nē virilis

[16] **cultus** in **caedem** et **Lyciās** **prōriperet** **catervās**?

Gedicht 9

[1] **Vidēs** ut **altā** **stet** **nive** **candidum**
[2] **Sōracte** nec jam **sustineant** **onus**
[3] **silvae** **labōrantēs** **gelūque**
[4] **flūmina** **cōstiterint** **acūtō**?
[5] **Dissolve** **frīgus** **ligna** super **focō**
[6] **largē** **repōnēns** atque **benignus**
[7] **dēprōme** **quādrimum** **Sabīnā**,
[8] **ō** **Thaliarche**, **merum** **diōtā**.
[9] **Permitte** **dīvīs** **cētera**, quī simul
[10] **strāvēre** **ventōs** **aequore** **fervidō**
[11] **dēproeliantīs**, nec **cupressī**
[12] nec **veterēs** **agitantur** **ornī**.
[13] **Quid** **sit** **futūrum** crās, **fuge** **quaerere**, et
[14] **quem** **fors** **diērum** cumque **dabit**, **lucrō**
[15] **adpōne** nec **dulcīs** **amōrēs**
[16] **sperne**, **puer**, neque tū **chorēās**,
[17] **dōnec** **virentī** **cānitiēs** **abest**
[18] **mōrōsa**. Nunc et **Campus** et **āreae**
[19] **lēnēsque** sub **noctem** **susurrī**
[20] **compositā** **repetantur** **hōrā**,
[21] **nunc** et **latentis** **prōditor** **intumō**
[22] **grātus** **puellae** **rīsus** ab **angulō**
[23] **pīgnusque** **dēreptum** **lacertis**
[24] **aut** **digitō** male **pertinācī**.

Gedicht 10

[1] **Mercurī**, **fācunde** **nepōs** **Atlantis**,
[2] quī **ferōs** **cultūs** **hominum** **recentum**
[3] **vōce** **fōrmāstī** **catus** et **decōrae**
[4] **mōre** **palaestrae**,
[5] **tē** **canam**, **magnī** **Jovis** et **deōrum**
[6] **nūntium** **curvaeque** **lyrae** **parentem**,
[7] **callidum** quicquid **placuit** **jocōsō**
[8] **condere** **fūrtō**.
[9] **Tē**, **bovēs** **ōlim** nisi **reddidissēs**
[10] **per** **dolum** **āmōtās**, **puerum** **minācī**
[11] **vōce** dum **terret**, **viduus** **pharētrā**
[12] **rīsīt** **Apollō**.
[13] **Quīn** et **Ātridās** **duce** tē **superbōs**
[14] **Īliō** **dīvēs** **Priamus** **relictō**
[15] **Thessalōsque** **ignīs** et **inīqua** **Trōjae**
[16] **castra** **fefellit**.
[17] **Tū** **piās** **laetis** **animās** **repōnis**
[18] **sēdibus** **virgāque** **levem** **coercēs**
[19] **aureā** **turbam**, **superīs** **deōrum**
[20] **grātus** et **īmīs**.

Gedicht 11

- [1] Tū nē quaesieris (scire nefās) quem mihi, quem tibi
[2] finem dī dederint, Leuconoē, nec Babylōniōs
[3] temptāris numerōs. Ut melius quicquid erit patī!
[4] Seu plūris hiemēs seu tribuit Juppiter ultimam,
[5] quae nunc oppositis debilitat pūmicibus mare
[6] Tyrrhēnum, sapiās, vīna liquēs et spatiō brevī
[7] spem longam resecēs. Dum loquimur, fūgerit invida
[8] aetās: carpe diem, quam minimum crēdula posterō.

Gedicht 12

- [1] Quem virum aut hērōa lyrā vel ācrī
[2] tibiā sūmis celebrāre, Clīō?
[3] Quem deum? Cujus recinet jocōsa
[4] nōmen imāgō
[5] aut in umbrōsis Helicōnis ōris
[6] aut super Pindō gelidōve in Haemō?
[7] Unde vōcālem temere īsecūtae
[8] Orphea silvae
[9] arte maternā rapidōs morantem
[10] flūminum lāpsūs celerisque ventōs,
[11] blandum et auritās fidibus canōris
[12] dūcere quercūs.
[13] Quid prius dīcam solitis parentis
[14] laudibus, quī rēs hominum ac deōrum,
[15] quī mare ac terrās variisque mundum
[16] temperat hōris?
[17] Unde nīl majus generātur ipsō
[18] nec viget quicquam simile aut secundum;
[19] proximōs illī tamen occupābit
[20] Pallas honōrēs.
[21] Proeliis audāx, neque tē silēbō,
[22] Liber, et saevīs inimīca virgō
[23] bēluīs, nec tē, metuende certā
[24] Phoebe sagittā.
[25] Dīcam et Alcīdēn puerōsque Lēdae,
[26] hunc equīs, illum superāre pugnīs
[27] nōbilem; quōrum simul alba nautīs
[28] stēlla refulsit,
[29] dēfluit saxīs agitātus ūmor,
[30] concidunt ventī fugiuntque nūbēs
[31] et mināx, quod sīc voluēre, pontō
[32] unda recumbit.
[33] Rōmulum post hōs prius an quiētum
[34] Pompilī rēgnum memorem, an superbōs
[35] Tarquinī fascēs, dubitō, an Catōnis
[36] nōbile lētum.
[37] Rēgulum et Scaurōs animaeque magnae
[38] prōdigum Paulum superante Poenō
[39] grātus īsignī referam Camēnā

[40] **Fābriciūmque.**
[41] **Hunc et incōmptis Curium capillis**
[42] **ūtilem bellō tulit et Camillum**
[43] **saeva paupertās et avitus aptō**
[44] **cum lare fundus.**
[45] **Crēscit occultō velut arbor aevō**
[46] **fāma Mārcellī; micat inter omnis**
[47] **Jūlium sīdus, velut inter ignis**
[48] **lūna minōrēs.**
[49] **Gentis hūmānae pater atque cūstōs,**
[50] **orte Sāturnō, tibi cūra magnī**
[51] **Caesaris fātis data: tū secundō**
[52] **Caesare rēgnēs.**
[53] **Ille seu Parthōs Latiō imminentis**
[54] **ēgerit jūstō domitōs triumphō**
[55] **sīve subjectōs Orientis ōrae**
[56] **Sēras et Indōs,**
[57] **tē minor laetum reget aequus orbem:**
[58] **tū gravī currū quatiēs Olympum,**
[59] **tū parum castis inimica mittēs**
[60] **fulmina lūcis.**

Gedicht 13

[1] **Cum tū, Lȳdia, Tēlephī**
[2] **cervicem roseam, cērea Tēlephī**
[3] **laudās bracchia, vae, meum**
[4] **fervēns difficilī bile tumet jecur.**
[5] **Tunc nec mēns mihi nec color**
[6] **certā sēde manet, ūmor et in genās**
[7] **fūrtim lābitur, arguēns**
[8] **quam lentīs penitus mācerer ignibus.**
[9] **Ūror, seu tibi candidōs**
[10] **turpārunt umerōs inmodicae merō**
[11] **rixae, sīve puer furēns**
[12] **inpressit memorem dente labrīs notam.**
[13] **Nōn, sī mē satis audiās,**
[14] **spērēs perpetuum dulcia barbarē**
[15] **laedentem ōscula, quae Venus**
[16] **quīntā parte suī nectaris imbuit.**
[17] **Fēlicēs ter et amplius**
[18] **quōs inrupta tenet cōpula nec malīs**
[19] **dīvolsus querimōniīs**
[20] **sūprēmā citius solvet amor diē.**

Gedicht 14

[1] **Ō nāvis, referent in mare tē novī**
[2] **flūctūs. Ō quid agis? Fortiter occupā**
[3] **portum. Nōne vidēs ut**
[4] **nūdum rēmigiō latus,**
[5] **et mālus celerī saucius Āfricō**

[6] **antemnâque** gemant ac sine **fûnibus**
[7] **vix dūrâre carīnae**
[8] **possint** imperiōsius
[9] **aequor?** Nōn tibi **sunt integra** lintea,
[10] **nōn dī,** quōs iterum **pressa vocēs malō.**
[11] **Quamvis Pontica pīnus,**
[12] **silvae filia nōbilis,**
[13] **jactēs et genus et nōmen inūtile:**
[14] **nīl pictīs timidus nāvita puppibus**
[15] **fidit.** Tū, nisi **ventīs**
[16] **dēbēs lūdibrium, cave.**
[17] **Nūper sollicitum** quae mihi **taedium,**
[18] **nunc dēsiderium cūraque nōn levis,**
[19] **interfūsa nitentīs**
[20] **vītēs aequora Cýcladās.**

Gedicht 15

[1] **Pāstor cum traheret per freta nāvibus**
[2] **īdaeīs Helenēn perfidus hospitam,**
[3] **ingrātō celerīs obruit ōtiō**
[4] **ventōs ut caneret fera**
[5] **Nēreus fāta: ‘Malā dūcis avī domum**
[6] **quam multō repetet Graecia milite,**
[7] **conjūrāta tuās rumpere nūptiās**
[8] **et rēgnum Priamī vetus.**
[9] **Heu, heu, quantus equīs, quantus adest virīs**
[10] **sūdor! Quanta movēs fūnera Dardanae**
[11] **gentī! Jam galeam Pallas et aegida**
[12] **currūsq̄ et rabiem parat.**
[13] **Nēquicquam Veneris praesidiō ferōx**
[14] **pectēs caesariem grātaque fēminīs**
[15] **inbellī citharā carmina dīvidēs;**
[16] **nēquicquam thalamō gravīs**
[17] **hastās et calamī spīcula Cnōsīi**
[18] **vītābis strepitumque et celerem sequī**
[19] **Ājācem: tamen, heu sērus, adulterōs**
[20] **crīnēs pulvere collinēs.**
[21] **Nōn Lāertiadēn, exitium tuae**
[22] **gentis, nōn Pylīum Nestora rēspicis?**
[23] **Urgent inpavidī tē Salamīnius**
[24] **Teucer, tē Sthenelus sciēs**
[25] **pugnae, sive opus est imperitāre equīs,**
[26] **nōn aurīga piger; Mērionēn quoque**
[27] **nōscēs. Ecce furit tē reperīre atrōx**
[28] **Týdīdēs melior patre,**
[29] **quem tū, cervus utī vallis in alterā**
[30] **vīsum parte lupum grāminis inmemor,**
[31] **sublimī fugiēs mollis anhēlitū,**
[32] **nōn hoc pollicitus tuae.**
[33] **Īrācunda diem prōferet Īliō**
[34] **mātrōnīsq̄ Phrygum classis Achilleī;**

[35] post certās hiemēs ūret Achāicus

[36] ignis īliacās domōs.'

Gedicht 16

[1] Ō māt̄re pulchrā filia pulchrior,
[2] quem criminōsis cumque volēs modum
[3] pōnēs iambīs, sive flammā
[4] sive marī libet Hādriānō.
[5] Nōn Dindymēnē, nōn adytīs quatit
[6] mentem sacerdotum incola Pȳthius,
[7] nōn Liber aequē, nōn acūta
[8] sīc geminant Corybantes aera,
[9] trīstēs ut irae, quās neque Nōricus
[10] dēterret ēnsis nec mare naufragum
[11] nec saevus ignis nec tremendō
[12] Juppiter ipse ruēns tumultū.
[13] Fertur Promētheus addere principi
[14] limō coactus particulam undique
[15] dēsectam et īsānī leōnis
[16] vim stomachō apposuisse nostrō.
[17] Irae Thyestēn exitiō gravī
[18] strāvēre et altīs urbibus ultimae
[19] stetēre causae, cūr perirent
[20] funditus inprimeretque mūrīs
[21] hostile arātrum exercitus īsolēns.
[22] Conpēsce mentem: mē quoque pectoris
[23] temptāvit in dulcī juventā
[24] fervor et in celerēs iambōs
[25] mīsīt furentem. Nunc ego mītibus
[26] mūtāre quaerō trīstia, dum mihi
[27] fiās recantātis amīca
[28] opprobriīs animumque reddās.

Gedicht 17

[1] Vēlōx amoenum saepe Lucrētilem
[2] mūtāt Lycaeō Faunus et igneam
[3] dēfendit aestātem capellis
[4] usque meīs pluviōsque ventōs.
[5] Inpūne tūtum per nemus arbutōs
[6] quaerunt latentīs et thyma dēviae
[7] ōlentis uxōrēs marītī
[8] nec viridīs metuunt colūbrās
[9] nec Mārtiālīs haediliae lupōs,
[10] utcumque dulcī, Tyndari, fistulā
[11] vallēs et Usticae cubantis
[12] lēvia personuēre saxa.
[13] Dī mē tuentur, dīs pietās mea
[14] et Mūsa cordī est. Hīc tibi cōpia
[15] mānābit ad plēnum benignō
[16] rūris honōrum opulenta cornū;

[17] hīc in reductā valle Caniculae
[18] vitābis aestūs et fide Tēiā
[19] dīcēs labōrantīs in ūnō
[20] Pēnelopēn vitreamque Circēn;
[21] hīc innocentis pōcula Lesbī
[22] ducēs sub umbrā nec Semelēius
[23] cum Mārte cōfundet Thyōneus
[24] proelia nec metuēs protervum
[25] suspecta Cŷrum, nē male disparī
[26] incontinentīs iniciat manūs
[27] et scindat haerentem corōnam
[28] crīnibus inmeritamque vestem.

Gedicht 18

[1] Nūllam, Vāre, sacrā vīte prius sēveris arborem
[2] circā mīte solum Tīburis et moenia Cātīlī;
[3] siccīs omnia nam dūra deus prōposuit neque
[4] mordācēs aliter diffugiunt sollicitūdinēs.
[5] Quis post vīna gravem mīlitiam aut pauperiem crepat?
[6] Quis nōn tē potius, Bacche pater, tēque decēns Venus?
[7] Ac nē quis modicī trānsiliat mūnera Liberī,
[8] Centaurēa monet cum Lapithīs rixa super merō
[9] dēbellāta, monet Sithoniīs nōn levis Euhius,
[10] cum fās atque nefās exiguō fine libīdinum
[11] discernunt avidī. Nōn ego tē, candide Bassareu,
[12] invītum quātiā nec variīs obsita frondibus
[13] sub dīvum rāpiam. Saeva tenē cum Berecyntiō
[14] cornū tympana, quae subsequitur caecus amor suī
[15] et tollēns vacuum plūs nīmīō glōria verticem
[16] arcānique fidēs prōdiga, perlūcidior vitrō.

Gedicht 19

[1] Māter saeva Cupīdinum
[2] Thēbānaeque jubet mē Semelae puer
[3] et lascīva Licentia
[4] finītis animum reddere amōribus.
[5] Ūrit mē Glycerae nitor
[6] splendentis Pariō marmore pūrius;
[7] ūrit grāta protervitās
[8] et voltus nimium lūbricus aspici.
[9] In mē tōta ruēns Venus
[10] Cŷprum dēseruit, nec patitur Scythās
[11] aut versīs animōsum equīs
[12] Parthum dīcere nec quae nihil attinent.
[13] Hīc vīvum mihi caespitem, hīc
[14] verbēnās, puerī, pōnite tūraque
[15] bīmī cum paterā merī:
[16] mactātā veniet lēnior hostiā.

Gedicht 20

- [1] Vile pôtābis modicīs Sabīnum
[2] cantharīs, Graecā quod ego ipse testā
[3] conditum lēvī, datus in theātrō
[4] cum tibi plausus,
[5] cāre Maecēnās eques, ut paternī
[6] flūminis ripae simul et jocōsa
[7] redderet laudēs tibi Vāticānī
[8] montis imāgō.
[9] Caecubum et prēlō domitam Calēnō
[10] tū bibēs ūvam; mea nec Falernae
[11] temperant vitēs neque Formiānī
[12] pōcula collēs.

Gedicht 21

- [1] Diānam tenerae dicite virginēs,
[2] intōnsum, puerī, dīcite Cynthium
[3] Lātōnamque suprēmō
[4] dilēctam penitus Jovī;
[5] vōs laetam fluvīis et nemorum comā,
[6] quaecumque aut gelidō prōminet Algidō,
[7] nigrīs aut Erymanthī
[8] silvīs aut viridis Gragī;
[9] vōs Tempē totidem tollite laudibus
[10] nātālemque, marēs, Dēlon Apollinis
[11] insignemque pharētrā
[12] frāternāque umerum lyrā.
[13] Hic bellum lacrimōsum, hic miseram famem
[14] pestemque ā populō et prīncipe Caesare in
[15] Persās atque Britannōs
[16] vestrā mōtus aget prece.

Gedicht 22

- [1] Integer vitae scelerisque pūrus
[2] nōn eget Maurīs jaculis neque arcū
[3] nec venēnātis gravidā sagittis,
[4] Fusce, pharētrā,
[5] sive per Syrtis iter aestuōsās
[6] sive factūrus per inhospitālem
[7] Caucasum vel quae loca fābulōsus
[8] lambit Hydaspsēs.
[9] Namque mē silvā lupus in Sabīnā,
[10] dum meam cantō Lalagēn et ultrā
[11] terminum cūrīs vagor expeditis,
[12] fūgit inermem,
[13] quāle portentum neque militāris
[14] Daunias lātīs alit aesculētis
[15] nec Jubae tellūs generat, leōnum
[16] ārida nūtrīx.

- [17] **Pōne** mē **pīgrīs** ubi **nūlla** **campīs**
[18] **arbor** **aestīvā** **recreātur** **aurā**,
[19] **quod** **latus** **mundī** **nebulae** **malusque**
[20] **Juppiter** **urget**;
[21] **pōne** sub **currū** nimium **propinquī**
[22] **sōlis** in **terrā** **domibus** **negātā**:
[23] **dulce** **rīdentem** **Lalagēn** **amābō**,
[24] **dulce** **loquentem**.

Gedicht 23

- [1] **Vītās** **hinnuleō** mē **similis**, **Chloē**,
[2] **quaerentī** **pavidam** **montibus** **āviīs**
[3] **mātre** **nōn** sine **vānō**
[4] **aurārum** et **siluae** **metū**.
[5] **Nam** seu **mōbilibus** **vēris** **inhorruit**
[6] **adventus** **foliīs**, seu **viridēs** **rubum**
[7] **dīmōvēre** **lacertae**,
[8] et **corde** et **genibus** **tremīt**.
[9] **Atquī** **nōn** ego **tē**, **tigris** ut **aspera**
[10] **Gaetūlusve** **leō**, **frangere** **persequor**:
[11] **tandem** **dēsine** **mātre**
[12] **tempestīva** **sequī** **virō**.

Gedicht 24

- [1] **Quis** **dēsideriō** **sit** **pudor** aut **modus**
[2] **tam** **cārī** **capitis**? **Praecipe** **lūgubrīs**
[3] **cantūs**, **Melpomenē**, cui **liquidam** **pater**
[4] **vōcem** cum **citharā** **dedit**.
[5] **Ergō** **Quīntilium** **perpetuus** **sopor**
[6] **urget**? cui **Pudor** et **Jūstītae** **soror**,
[7] **incorrupta** **Fidēs**, **nūdaque** **Vēritās**
[8] **quandō** **ūllum** **inveniet** **parem**?
[9] **Multis** ille **bonīs** **flēbilis** **occidit**,
[10] **nūllī** **flēbilior** quam tibi, **Vergilī**.
[11] **Tū** **frūstrā** **pius**, heu, **nōn** ita **crēditum**
[12] **poscis** **Quīntilium** **deōs**.
[13] **Quid** sī **Thrēiciō** **blandius** **Orpheō**
[14] **audītam** **moderēre** **arboribus** **fidem**?
[15] **Num** **vānae** **redeat** **sanguis** **imāginī**,
[16] **quam** **virgā** **semel** **horridā**,
[17] **nōn** **lēnis** **precibus** **fāta** **reclūdere**,
[18] **nīgrō** **compulerit** **Mercurius** **gregī**?
[19] **dūrum**: sed **levius** **fit** **patientīā**
[20] **quicquid** **corrigere** est **nefās**.

Gedicht 25

- [1] **Parcius jūctās** quatiunt **fenestrās**
[2] **jactibus crēbrīs** juvenēs **protervī**
[3] **nec tibi somnōs** adimunt **amatque**
[4] **jānua limen,**
[5] **quae prius multum facilis** **movēbat**
[6] **cardinēs.** **Audīs** minus et minus jam:
[7] **‘Mē tuō longās** **pereunte noctēs,**
[8] **Lȳdia, dormīs?** '
[9] **Invicem moechōs** **anus arrogantīs**
[10] **flēbis in sōlō levis** **angiportū**
[11] **Thrāciō** **bacchante** **magis** **sub** **inter**
[12] **lūnia ventō,**
[13] **cum tibi flāgrāns** **amor** **et libīdō,**
[14] **quae solet mātērēs** **furiāre** **equōrum,**
[15] **saeviet** **circā jecur** **ulcerōsum**
[16] **nōn sine questū,**
[17] **laeta** **quod pūbēs** **hederā virentī**
[18] **gaudeat pullā** **magis** **atque myrtō,**
[19] **āridās frondēs** **hiemis sodālī**
[20] **dēdicet Eurō.**

Gedicht 26

- [1] **Mūsīs** **amicus** **trīstitiam** **et metūs**
[2] **trādam** **protervīs** **in mare Crēticum**
[3] **portāre ventīs,** **quis** **sub** **Arctō**
[4] **rēx gelidae** **metuātur ōrae,**
[5] **quid Tīridātēn** **terreat,** **ūnicē**
[6] **sēcūrus.** **Ō** **quae fontibus** **integrīs**
[7] **gaudēs,** **apricōs** **necte flōrēs,**
[8] **necte meō** **Lamiae** **corōnam,**
[9] **Pimplēa** **dulcis.** **Nīl** **sine tē** **meī**
[10] **prōsunt** **honōrēs;** **hunc** **fidibus** **novīs,**
[11] **hunc** **Lesbiō** **sacrāre** **plēctrō**
[12] **tēque tuāsque** **decet** **sorōrēs.**

Gedicht 27

- [1] **Nātīs** **in ūsum** **laetitiae** **scyphīs**
[2] **pugnāre** **Thrācum** **est;** **tollite** **barbarum**
[3] **mōrem** **verēcundumque** **Bacchum**
[4] **sanguineīs** **prohibēte** **rixīs.**
[5] **Vīnō** **et** **lucernīs** **Mēdus** **acīnacēs**
[6] **immāne** **quantum** **discrepat;** **impium**
[7] **lēnīte** **clāmōrem,** **sodālēs,**
[8] **et** **cubitō** **remanēte** **pressō.**
[9] **Voltis** **sevērī** **mē** **quoque** **sūmere**
[10] **partem** **Falernī?** **Dīcat** **Opūntiae**
[11] **frāter** **Megyllae** **quō** **beātus**
[12] **volnere,** **quā** **pereat** **sagittā.**

[13] Cessat voluntās? Nōn aliā bibam
[14] mercēde. Quae tē cumque domat Venus
[15] nōn ērubescendīs adūrit
[16] ignibus ingenuōque semper
[17] amōre peccās. Quicquid habēs, age,
[18] dēpōne tūtīs auribus. Ā! miser,
[19] quantā labōrābās Charybdī,
[20] digne puer meliōre flammā.
[21] Quae sāga, quis tē solvere Thessalīs
[22] māgus venēnīs, quis poterit deus?
[23] vix inligātum tē trifōrmī
[24] Pēgasus expedit Chimaerā.

Gedicht 28

[1] Tē maris et terrae numerōque carentis harēnae
[2] mēnsōrem cohibent, Archyta,
[3] pulveris exigūī prope lātum parva Matinum
[4] mūnera nec quicquam tibi prōdest
[5] aeriās temptāsse domōs animōque rotundum
[6] percurrisse polum moritūrō.
[7] Occidit et Pelopis genitor, convīva deōrum,
[8] Tithōnusque remōtus in aurās
[9] et Jovis arcānīs Mīnōs admissūs habentque
[10] Tartara Panthoidēn iterum Orcō
[11] dēmissum, quamvis clipeō Trōjāna refixō
[12] tempora testātus nihil ultrā
[13] nervōs atque cutem mortī concesserat ātrae,
[14] jūdice tē nōn sordidus auctor
[15] nātūrae vēriq̄ue. Sed omnīs ūna manet nox
[16] et calcanda semel via lētī.
[17] Dant aliōs Furiae torvō spectācula Mārtī,
[18] exitiō est avidum mare nautīs;
[19] mixta senum ac juvenum dēsentur fūnera, nūllum
[20] saeva caput Prōserpina fugit.
[21] Mē quoque dēvēxī rapidus comes Ōrionis
[22] Illyricīs Notus obruit undīs.
[23] At tū, nauta, vagae nē parce malignus harēnae
[24] ossibus et capitī nec humātō
[25] particulam dare: sīc, quodcumque minābitur Eurus
[26] flūctibus Hesperīīs, Venusīnae
[27] plectantur silvae tē sospite multaue mercēs,
[28] unde potest, tibi dēfluat aequō
[29] ab Jove Neptūnōque sacrī cūstōde Tarentī.
[30] Nēglegis inmeritis nocitūram
[31] postmodo tē natīs fraudem committere? Fors et
[32] dēbita jūra vicēsque superbae
[33] tē maneant ipsum: precibus nōn linquar inultīs
[34] tēque piācula nūlla solvent.
[35] Quamquam festinās, nōn est mora longa; licēbit
[36] injectō ter pulvere currās.

Gedicht 29

- [1] **Iccī**, **beātīs** nunc **Arabum** **invidēs**
[2] **gāzīs** et **ācrem** **mīlītiām** **parās**
[3] **nōn** ante **dēvictīs** **Sabaeae**
[4] **rēgibus** **horribilique** **Mēdō**
[5] **nectis** **catēnās**? Quae **tibi** **virginum**
[6] **spōnsō** **necātō** **barbara** **serviet**?
[7] **puer** quis ex **aulā** **capillīs**
[8] **ad** **cyathum** **statuētur** **ūctīs**,
[9] **doctus** **sagittās** **tendere** **Sēricās**
[10] **arcū** **paternō**? Quis **neget** **arduīs**
[11] **prōnōs** **relābī** **posse** **rīvōs**
[12] **montibus** et **Tiberim** **revertī**,
[13] **cum** **tū** **coēptōs** **undique** **nōbilīs**
[14] **librōs** **Panaetī** **Sōcraticam** et **domum**
[15] **mūtāre** **lōricīs** **Hibērīs**,
[16] **pollicitus** **meliōra**, **tendis**?

Gedicht 30

- [1] **Ō** **Venus** **rēgīna** **Cnidī** **Paphīque**,
[2] **sperne** **dīlēctam** **Cypron** et **vocantis**
[3] **tūre** **tē** **multō** **Glycerāe** **decōram**
[4] **trānsfer** in **aedem**.
[5] **Fervidus** **tēcum** **puer** et **solūtīs**
[6] **Grātiae** **zōnīs** **properentque** **Nymphae**
[7] et **parum** **cōmis** sine **tē** **Juventās**
[8] **Mercuriusque**.

Gedicht 31

- [1] **Quid** **dēdicātum** **poscit** **Apollinem**
[2] **vātēs**? **Quid** **ōrat**, **dē** **paterā** **novum**
[3] **fundēns** **liquōrem**? **Nōn** **opīmae**
[4] **Sardiniae** **segetēs** **ferācēs**,
[5] **nōn** **aestuōsae** **grāta** **Calābriae**
[6] **armenta**, **nōn** **aurum** aut **ebur** **Indicum**,
[7] **nōn** **rūra**, quae **Līris** **quiētā**
[8] **mordet** **aquā** **taciturnus** **amnis**.
[9] **Premant** **Calēnā** **false** **quibus** **dedit**
[10] **Fortūna** **vītem**, **dīves** et **aureīs**
[11] **mercātor** **exsiccet** **culillīs**
[12] **vīna** **Syrā** **reparāta** **merce**,
[13] **dīs** **cārus** **ipsīs**, **quippe** **ter** et **quater**
[14] **annō** **revīsēns** **aequor** **Atlanticum**
[15] **inpūne**: **mē** **pascust** **olivae**,
[16] **mē** **cichorēa** **levēsque** **malvae**.
[17] **Fruī** **parātīs** et **validō** **mihi**,
[18] **Lātōe**, **dōnēs**, at, **precor**, **integrā**
[19] **cum** **mente**, nec **turpem** **senectam**
[20] **dēgere** nec **citharā** **carentem**.

Gedicht 32

- [1] **Poscimus**. Sī quid **vacuī** sub **umbrā**
[2] **lūsimus** tēcum, quod et hunc in **annum**
[3] **vīvat** et **plūris**, age, dīc **Latīnum**,
[4] **barbite**, **carmen**,
[5] **Lesbiō** primum **modulāte** **cīvī**,
[6] **quī**, **ferōx** **bellō**, tamen inter **arma**,
[7] **sive** **jactātam** **religārat** **ūdō**
[8] **līto**re **nāvem**,
[9] **Liberum** et **Mūsās** **Veneremque** et illi
[10] **semper** **haerentem** **puerum** **canēbat**
[11] et **Lycum** **nīgris** **oculīs** **nigrōque**
[12] **crīne** **decōrum**.
[13] **Ō** **decus** **Phoebī** et **dapibus** **suprēmī**
[14] **grāta** **testūdō** **Jovis**, **ō** **labōrum**
[15] **dulce** **lēnimen**, mihi cumque **salvē**
[16] **rīte** **vocantī**.

Gedicht 33

- [1] **Albī**, nē **doleās** plūs **nimiō** **memor**
[2] **inmitis** **Glyceræ** neu **miserābilis**
[3] **dēscantēs** **elegōs**, cūr tibi **jūnior**
[4] **laesā** **praeniteat** **fide**.
[5] **Īnsignem** **tenuī** **fronte** **Lycōrida**
[6] **Cyri** **torret** **amor**, **Cyrus** in **asperam**
[7] **dēclīnat** **Pholoēn**: sed prius **Āpulīs**
[8] **jungentur** **caprae** **lupīs**
[9] **quam** **turpī** **Pholoē** **peccet** **adulterō**.
[10] **Sic** **vīsum** **Venerī**, cui **placet** **imparīs**
[11] **fōrmās** atque **animōs** sub **juga** **aēnea**
[12] **saevō** **mittere** cum **jocō**.
[13] **Ipsū**m **mē** **melior** cum **peteret** **Venus**,
[14] **grātā** **dētīnuit** **compede** **Myrtalē**
[15] **libertīna**, **fretīs** **ācrior** **Hādriæ**
[16] **curvantīs** **Calabrōs** **sinūs**.

Gedicht 34

- [1] **Parcus** **deōrum** **cultor** et **īnfrequēns**,
[2] **īnsānientis** dum **sapientiae**
[3] **cōsultus** **errō**, nunc **retrōrsum**
[4] **vēla** **dare** atque **īterāre** **cursūs**
[5] **cōgor** **relictōs**: namque **Diespiter**
[6] **ignī** **coruscō** **nūbila** **dividēns**
[7] **plērumque**, per **pūrum** **tonantis**
[8] **ēgit** **equōs** **volucremque** **currum**,
[9] **quō** **brūta** **tellūs** et **vaga** **flūmina**,
[10] **quō** **Styx** et **īvisī** **horrida** **Taenarī**
[11] **sēdēs** **Atlantēusque** **finis**

- [12] **concutitur. Valet īma summīs**
[13] **mūtāre et īsignem attenuat deus,**
[14] **obscūra prēmēns; hinc apicem rapāx**
[15] **Fortūna cum strīdōre acūtō**
[16] **sustulit, hīc posuisse gaudet.**

Gedicht 35

- [1] **Ō dīva, grātum quae regis Antium,**
[2] **praesēns vel īmō tollere dē gradū**
[3] **mortāle corpus vel superbōs**
[4] **vertere fūneribus triumphōs,**
[5] **tē pauper ambit sollicitā prece**
[6] **rūris colōnus, tē dominam aequoris**
[7] **quicumque Bithynā laccessit**
[8] **Carpathium pelagus carinā.**
[9] **Tē Dācus asper, tē profugī Scythae,**
[10] **urbēsque gentēsque et Latium ferōx**
[11] **rēgumque matrēs barbarōrum et**
[12] **purpureī metuunt tyrannī,**
[13] **injūriōsō nē pede prōruās**
[14] **stantem columnam, neu populus frequēns**
[15] **ad arma cessantīs, ad arma**
[16] **concitet imperiumque frangat.**
[17] **Tē semper anteit serva Necessitās,**
[18] **clāvōs trabālīs et cuneōs manū**
[19] **gestāns aēnā nec sevērus**
[20] **uncus abest liquidumque plumbum;**
[21] **tē Spēs et albō rāra Fidēs colit**
[22] **vēlāta pannō nec comitem abnegat,**
[23] **utcumque mūtātā potentīs**
[24] **veste domōs inimica linquis;**
[25] **at volgus infidum et meretrīx retrō**
[26] **perjūra cēdit, diffugiunt cadīs**
[27] **cum faece siccātīs amīcī,**
[28] **ferre jugum pariter dolōsī.**
[29] **Servēs itūrum Caesarem in ultimōs**
[30] **orbis Britannōs et juvenum recēns**
[31] **exāmen Ēōīs timendum**
[32] **partibus Ōceanōque rūbrō.**
[33] **Heu heu, cicātricum et sceleris pudet**
[34] **frātrumque. Quid nōs dūra refūgimus**
[35] **aetās, quid intāctum nefāstī**
[36] **liquimus? Unde manum juventūs**
[37] **metū deōrum continuit? Quibus**
[38] **pepercit ārīs? Ō utinam novā**
[39] **incūde diffingās retūsum in**
[40] **Massagetās Arabāsque ferrum!**

Gedicht 36

- [1] Et tūre et fidibus juvat
[2] plācare et vitulī sanguine dēbitō
[3] cūstōdēs Numidae deōs,
[4] quī nunc Hesperīā sospes ab ultimā
[5] cārīs multa sodālibus,
[6] nūllī plūra tamen dīvidit ōscula
[7] quam dulcī Lamiae, memor
[8] actae nōn aliō rēge puertiae
[9] mūtataeque simul togae.
[10] Cressā nē careat pulchra diēs notā
[11] neu prōmptae modus amphorae
[12] neu mōrem in Salium sit requiēs pedum
[13] neu multī Damalis merī
[14] Bassum Thrēiciā vincat amystide
[15] neu dēsint epulīs rosae
[16] neu vīvāx apium neu breve līlium.
[17] Omnēs in Damalīn putrēs
[18] dēpōnent oculōs nec Damalis novō
[19] divellētur adulterō
[20] lascivīs hederīs ambitiōsior.

Gedicht 37

- [1] Nunc est bibendum, nunc pede liberō
[2] pulsanda tellus, nunc Saliāribus
[3] ōrnāre pulvīnar deōrum
[4] tempus erat dapibus, sodālēs.
[5] Antehāc nefās dēprōmere Caecubum
[6] cellīs avītīs, dum Capitōliō
[7] rēgīna dēmentīs ruīnās
[8] fūnus et imperiō parābat
[9] contāminātō cum grege turpium
[10] morbō virōrum, quidlibet impotēns
[11] spērāre fortūnāque dulcī
[12] ēbria. Sed minuit furōrem
[13] vix ūna sospes nāvis ab ignibus,
[14] mentemque lymphātam Mareōticō
[15] redēgit in vērōs timōrēs
[16] Caesar, ab Italiā volantem
[17] rēmīs adurgēns, accipiter velut
[18] mollis columbās aut leporem citus
[19] vēnātor in campīs nivālis
[20] Haemoniae, daret ut catēnīs
[21] fātāle mōnstrum. Quae generōsius
[22] perīre quaerēns nec muliēbriter
[23] expāvīt ēnsem nec latentīs
[24] classe citā reparāvit ōrās,
[25] ausa et jacentem vīsere rēgiam
[26] voltū serēnō, fortis et asperās
[27] tractāre serpentēs, ut ātrum

- [28] corpore conbiberet venēnum,
[29] dēliberātā morte ferōcior:
[30] saevīs Liburnīs scīlicet invidēns
[31] prīvāta dēdūcī superbō,
[32] nōn humilis mulier, triumphō.

Gedicht 38

- [1] Persicōs ōdī, puer, apparātūs,
[2] displicent nexae philyrā corōnae,
[3] mitte sectārī, rosa quō locōrum
[4] sēra morētur.
[5] Simplicī myrtō nihil adlabōrēs
[6] sēdulus, cūrō: neque tē ministrum
[7] dēdecet myrtus neque mē sub artā
[8] vīte bibentem.